

先秦—清末

《中國野史集成》編委會
四川大學圖書館 編

中國野史集成

錢謙題



巴蜀書社

《中國野史集成》編委會
四川大學圖書館 編

	中
集	國
成	野
34	史

先秦—清末

巴蜀書社

目錄 (第三十四冊)

粵游見聞		一
東明聞見錄		一三
粵行紀事		四六
兩廣紀略		六七
天南紀事		七四
北征得失紀略		八八
前車野語		九四
安南供役紀事		一一七
餘生錄		一二五
思文大紀		一三一
隆武遺事		一八六
湖西遺事		一九二
虔臺節略		一九八
永曆實錄		二〇六
劫灰錄		三一一
見聞隨筆		三四七
庚寅始安事略		四二五

行在陽秋		四二七
殘明紀事		四七四
安龍逸史		四九五
三湘從事錄		五二五
安龍紀事		五四三
楊監筆記		五四八
也是錄		五七二
求野錄		五七九
臺灣外紀		五八九
海寇記		七一九

粵游見聞

一卷

粵游見聞

前行人司行人瞿其美記

唐王次閩

高帝之子。封國河南省南陽府。王諱聿鍵。因累
囚鳳陽高牆。國變。淮撫路振飛護之出。宏光元
年。某月。保國公朱國弼。劾舊淮撫路振飛。賊信
曰。逼先縱獄囚。天潢游至。兵拒河上。皇上扁舟
不納入城。且云。鳳陽有天子氣。益爲王也。鄭鴻
達鎮守京口。有武弁王姓者。以三千金賂職方

烈皇小識

粵游見聞

一

司王麗青欲得京口。王利其賄。遂調鴻達鎮山
東。鄭失職。固快快。而清兵又屠揚州。犯瓜州。鴻
達聞風先遁。挾王至閩。一云鴻達曾與清兵相
拒于京口。清將張天祿。史公法愛將也。鴻達陣
傷其一目。故清從天寧州渡江。鄭遂奉王入閩。
總兵方國安圍金華府。

國安浙人。左良玉標官也。左夢庚投清。兵南奔。
與朱大典有隙。回兵至婺。圍攻匝月。殺掠甚慘。
至閏六月二十五日方解。

桂王在梧州

王神宗之子也萬曆末年就國衡州崇禎十七年張獻忠破衡州長世子次王子俱爲賊害王僅與第三子安仁王及妃王氏馳永州第四子永明王卽今上也爲賊所囚宜國公焦璉時爲湖南列較斬守者負之西馳追至永州與王會是時楚地殘破粵中稍安七月壬辰惠桂二王駐廣西十一月戊子桂王薨謚曰端弘光元年四月有旨召安仁永明二王赴近畿六月巡撫

烈皇小識

粵游見聞

二

瞿式耜梧州上任遂同太妃王氏聯舟東下王撫軍值靖江之難家屬得王母覆庇之力永明王正位稱王于梧州之陵是爲興陵廟號端皇帝

魯王監國于會稽

王諱以海崇禎十一年清人犯山東劉澤清鎮守兗州清人賂之黃金十萬澤清遂棄不守清人人究執魯王王年幼詭稱魯王牧兒見清兵孫王邸貲忽流淚清人怪之旁有人曰此是魯

藩入千歲也清人刃之三擊不中駭曰汝大有福我不駭汝前有一少年女子甚麗犯之不從死于墻下意汝婦耶汝其埋之王因得脫十七年夏六月丙子王渡江入浙十二月乙巳王移居台州紹興起義陳璘揮首先推戴張國維繼之迎王至紹興卽監國位以明年爲監國元年是年仍稱弘光元年

唐王卽位位于閩中

以丙戌六年爲隆武元年封鄭鴻逵爲定虜侯

烈皇小識

粵游見聞

三

鄭芝龍先封南安伯至是封平虜侯并賜子成功國姓以駙馬體統行事掌宗人府事封皇弟某爲唐王叔某爲邵王拜鴻逵爲大將軍擇吉授鉞至期大風雨駕旣登壇當授鉞時風吹所懸匾墮中鉞柄折爲二乘馬冒雨還宮閩臣黃道周與芝龍爭班列都御史何楷佐之尋道周以督師出關楷請急歸離城南四十里爲賊所傷幾死或云鴻逵使之也

詔改福州府爲福京

以布政司爲行宮。按察使爲芝龍第。

太僕寺少卿萬元吉春坊庶子楊廷麟守贛州。

曠昭巡撫江西清將劉一鵬統數百騎至南昌。牌先至招卽命士民出迎而身自扁舟遁去。獨贛州不下。上命萬元吉督鄉紳楊廷麟等協力固守。措置有方。人情大悅。悅分巡道爲行宮。累疏請迎車駕。幸贛州居山川上。上游豫不能仰而攻。且左爲楚。右爲閩。浙背爲粵。東足以控制。三面使四方豪傑知朝廷有恢復大計也。芝龍烈皇小識

粵游見聞

四

力阻之不報

秋八月靖江王自稱監國于桂林。

王固篡位者自立。後其嫡嗣同其宗二十餘人。上疏告許天啟崇禎兩朝迄無寧歲。王厚賂朝貴以故。輒其王每下許者于獄。弘光元年二月丙寅。王表賀登極。因奏金永連三州皆爲土賊。所據撫按匿不以聞。及南郡失守。王遂睥睨神器。以楊國威爲大將軍。推官顧弁爲吏科給事中。臬司曹燁等皆俯首聽命。推署僚屬有差。檄

廣左右江四十五洞土狼標勇自稱監國。

靖江執廣西巡撫督御史瞿式耜囚之。

送藩作難。兵將束撫臣瞿式耜啟以大義。謂之曰。兩京繼陷。大統懸于一髮。豪傑睥睨逐鹿。聞詔旣頒。何可自與內難爲漁人利。靖怒使促耜入桂。耜卽陰檄思恩參將陳邦傳防梧。又止狼兵勿應。靖請再遣桂平道井濟促耜入。俱弗應。未幾靖提兵至梧。耜坐梧城中。靖謁者促耜朝。耜曰。王也。而朝禮也。謁者曰。易朝服。耜曰。王烏

烈皇小識

粵游見聞

五

用朝服以常服朝禮也。靖知耜不可奪。一日返。耜語耜未及。靖舟搜上一小艇。至宦官門。正劉應科羅之護衛。拍揮曹升持刀加耜頸。逼巡撫勅。卽耜曰。勅卽可刃。求耶。桂推官顧奕遮耜頸。拽過數舟。數仆。數起。耜坐神稍。定曰。我朝廷開府重臣。若欲爲帝曾廬陸之漁戶之不若矣。靖假撫軍令入署。入勅。卽撫軍家人疑有變。奉勅印。惟謹。靖實恐西撫與東督應而西撫情形已達。數週兵兵之羽。馳飈矣。用小艇挽耜上桂塞。

其倉實不令見人但聽水石瀾瀾聲至桂閉于
王邸相日凝坐不與諸靖人語諸靖人無敢向
相語者王邸人進食撫軍未嘗食也先是五月
中撫軍知靖藩必有變先遣標官徐高至桂林
察王動靜高幼子得出入宮中至是得進餽粥
云高後爲坐營掛制勝將軍印永曆四年殉始
安王難

廣西巡撫遣人福京請乞師

相以王之立也非序不勸進靖變防禦有素故

烈皇小識

粵游見聞

六

處之泰然而夫人邵日夜啼哭因遣家人周文
賁疏間道至閩賀上卽位并乞師曰嶺表居楚
豫上游嶺表失則豫無所憚楚未得通天下事
益不可爲矣臣式耜朝以死則粵中夕以亡豈
惟一省之憂因陳靖江形勢有必敗狀上大喜
秋九月思恩參將陳邦傳討靖汀克之

靖旣遣師挾撫軍西矣驛與陳邦傳遇兵敗返
桂時耜猶着單紗矣靖送衣服飲食俱不受一
日趨耜撫軍令調狼兵耜曰戴罪之臣曷可言

戎是瞑目不食求自斃諸靖人畏之送居劉仙
岩距桂城五里許王符調狼狼不應外兵且急
復迂耜入請還撫軍治耜曰戴罪之臣曷可再
還撫軍治送勅印至耜卽免冠南面拜勅印而
受之諸靖懾然復請蒞事不答曰使往返薄暮
還治城中人士始帖然時湖南列校焦璉爲粵
西總鎮楊國威旂鼓知所事非正歸撫軍撫軍
授之以計會邦傳兵應檄至璉夜縋城下入邦
傳軍復組邦傳上城陴守皆璉兵隨擒國威顧

烈皇小識

粵游見聞

七

奕等五鼓攻靖邸戒士士第求靖江以安人心
他無所擾歟明大定復誠兵將獲鼓或靖江數
人其外並無侵株

冬十一月總河兵部侍郎路振飛入閣辦事

上以淮撫路振飛有舊恩下詔購訪募能訪致
者賞于金官五品京官至是某訪得立授督郤
府經歷振飛相飛第三子年十七就見賜名太
平授錦衣百戶復改兵部職方司主事尋陞廣
西按察使僉事復奉勅招撫丁父艱南歸與其

兩兄居洞庭兩山之間

帝幸太學行郊禮

十有二月詔親征

初六日登舟泊芋原驛二十二日發二十九日

至建寧府駐蹕

遣錦衣衛康永寧如安南不克行

遣康永寧航海偕兵至明年五月回云風逆不

得泊岸望涯而返

附

烈皇小識

粵游見聞

八

隆武元年安南國王貢使至使人衣冠頗類中

國差承但椎髻跣足所貢惟金龜銀鶴銀爐香

絹等無他異物

丙戌
隆武二年魯監國元年
清順治二年

春正月以舊輔馬士英為辦事官

鄭芝龍方國安合疏荐舊輔馬士英兩人皆士

英門下也時國安營錢塘江上士英在營中詔

充為辦事官軍前辦事侯恢復抗城復官

二月廣西總制丁魁楚執逆藩靖江歸於福京

委總兵官馬吉翔解至建寧行在王病死從叛

推官顧奕總兵楊國威等伏誅封丁魁楚思恩

伯陳邦傳富州伯

以廣西巡撫瞿式耜為兵部右侍郎

平逆藩功也督司馬兼副都式耜辭曰國家禍

變構難同室詎臣子稱功地西臣辨西笑以功

為不聽復授是職

以晏日曙巡撫廣西

輔臣曾纓荐也式耜得代遂放舟東下山水詩

烈皇小識

粵游見聞

九

自娛

遣錦衣衛同知馬吉祥招撫闖賊李自成軍

陞吉翔督都同知管錦衣衛事尋領執招撫流

賊李錦。錦即自成之侄也。自成破京後。清兵追

逼。遁至黃州。棄眾先奔。為鄉兵所殺。錦代領其

眾。同其妻高氏弟必正。渡洞庭湖。竄踞山寨。至

是賜錦名赤心。封氏忠義夫人。頒勅往招之。

督師閣部黃道周救徽州。死之。

道周與徽州清將有舊。清將之黃因督兵三

百人長驅至徽州。遂險。清兵伏四出。盡緘其眾。輜乘道周至郡。送至金陵。時洪承疇爲南都內院。慰勞令降。大罵不屈。不食半月。被殺。

三月帝幸延平府

建寧行宮閣臣蒯德璟所營也。卽巡方署以秋。隘喧嘩。屢形責讓。初一日移駐城外。伽藍初六日登舟。十一日抵延平。以府署爲行宮。兵侍東閣陳洪謐在籍。遣內官鄧金趨之不至。

王遣行人林必達來

烈皇小識

粵游見聞

十

必達同一武弁通書鄭芝龍。意欲私自招徠之。而不及表聞。芝龍以上聞逮下詔獄。會百官廷鞫。上大怒。切責必達。已而釋之。改必達福建督學御史。

清人襲績溪。督師金聲死之。

績溪居萬山中。四面皆峭壁。前止通一路。遠三十里。聲營其中。山上立十三營。以十三副將主之前路。以大木扎營。明守甚固。曾有降清鄉官黃勳來始說。以天命聲艱然叱之。謝卽婉順而

陰間其上下。于是各標離心。清從寧國山中間道襲績溪。遂無與抗。執聲至金陵。不屈。被殺。合門十餘口皆自縊。時洪承疇監斬。聲旣死。尸猶不仆。洪入院見聲。儼然衣冠危坐堂上。洪驚入內。恍惚不敢出者數日。其靈爽若此。

四月錦衣衛百戶徐某至自雲南

雲南撫按及沐天澤交章稱黔國公沐天波造反。有土司沙定周出奇兵撲滅之。天波子身遁去。時有識者咸疑非實。會一宗室任彼中道府。

烈皇小識

粵游見聞

十一

力証成之。遂詔天澤襲封定周。搜捕陞宗室僉都御史往督師。已而錦衣衛者戶徐某前以弘光登極。頒詔雲南至是歸述所親見云。一土司反。天波調定周兵往定周。不奉調。叛司平。天波密有移師意。定周先發。統本司勁兵突闖府第。天波僅以身免。母妻及弟天澤俱被劫。脅令具疏通判素黑。曾爲天波所糾。以宿恨故爲沙左袒。嗣又傳聞天波遁出。糾合各土司擒縛定周。然地遠莫能得要領。朝廷置而不問。

五月清師渡錢塘江方國安降兵部尙書張國維死之

清人渡江馬士英方國安合兵奔至天台詢之士人云山西有徑可通楚粵至滇閩者因眾眾未聚稍憩以俟山上有石橋恐敵人之來襲也命毀之橋中有石版版有文曰方馬之兵至此而止二人大駭以爲天意也遂留不去遣人至杭投誠貝勒大悅命阮大鍼遺之以書以異其禮兩人大喜卽遣將押魯監國欲執之以贊所

烈皇小識

粵游見聞

三

遣將至魯營卽發病不省人事魯監國欲執之逸兩人至杭貝勒復誘兩人使盡攜眷屬及愛將銳平入城中駐札月餘貝勒治宴其將領四十八人同時就戮囚士英國安挾之入閩俱械一室士英曰吟詩消遣忽一日引入洪塘與總兵數人俱被戮時有黑氣從西南來以爲諸臣被慘猶有天變云張國維聞靖兵渡江謂知府王澧曰子有父母在可無死余國之大臣也義不得生暫欲獲髮以抒民難於是經理諸事三

日畢從容自縊清重之

附

兵侍楊文驄士英戚也乙酉夏過蘇州取庫金二十餘萬子鼎以卿總兵帶孤銜有兵一千掠取民貲無算又詭稱兵數萬要餉朝廷不能應文驄至行在語頗不遜至是降清又聞清兵渡江文驄與田仰居山島中有兵一二萬田楊同遣兵四百載幣獻貝勒貝勒盡殺之次日田仰私送幣帛數車貝勒受之使田兵別營以鉄騎

烈皇小識

粵游見聞

三

千餘圍之盡放田兵出圍令田兵下馬去器械又次日火炮四衝亂箭齊發一營化爲肉醬貝勒至閩阮大鍼隨行至嶺上口稱雷爺相見遂墮馬死雷名績祚太平府人也以孝廉仕至河間道因劾周延儒被黜者聖安朝六等定罪爲阮大鍼冤死故顯靈云逸史氏曰金人破兩京死者寥寥宋遂以亡清師渡江是何死者之多也豈天之不明祚也耶死有重于泰山者張司馬輩是也死有輕于鴻

毛者方國安輩是也有死非所貴者仍氏甘爲忠臣其何光少康之烈耶更有死不盡其辜者馬士英阮大鍼非耶士英從君子昏刈忠臣于朝投賢者于遐荒而不之恤也委典刑于撤局而致之顛連也奔而抗抗而降罪浮于秦檜賈似道矣寸磔之何以雪海內之忿耶清人屠金華府都師閣部朱大典死之

大典守金華清貝勒圍之出兵與戰殺其眾數萬清人怒攻之益力逾月有五日力竭城破大

烈皇小識

粵游見聞

南

典以家眷悉置樓上實火藥筒於下焚之滿門殞焉

附

清兵破錢塘一云水涸一云二十八日夜月色甚明似有天意云是平貝勒以諸將不竭力各責有差張存仁亦責貝勒云

監國魯王還台州

魯王復還台州航海有疏自謝云向爲諸臣所誤士憫而許之杭城失後錢塘拒守皆浙中諸

將士力闔無與也總達以擁立居首功卽授鉞出師逗遛觀望歷冬逾春不敢越關乃詔班師及錢塘師潰金華旣失無復抗衡者矣

附

清兵追魯王海中忽有龍升天清兵沒水者無算因此得免一云錢塘師潰隆武君臣酌酒相慶嗚呼人之痿痺一至此哉

誅妖人

貴州撫臣俞思恂疏稱弘光舊主流寓該處士

烈皇小識

粵游見聞

主

司詔議奉迎儀注及遣副都御史周昌晉向內曰往認尋細閱疏中情形并詳詢賁奏人事多訛舛御史錢邦芑等上疏止之已而思恂續疏言其詐僞詔卽時處決召方士蔡鼎閩諸大臣所荐命召之以方外服見封國師然所言庸鄙占策無驗

六月皇子琳原生

進百官有差詔封鄭芝龍泉國公尋改平國公鄭鴻達漳國公尋改定國公

盜殺閩部顧錫疇。

錫疇流寓溫州有鎮將與督學相結取事例銀供餉諸生鼓噪總兵賀君堯執一二人殺之錫疇欲參之君堯乘夜縛而投之江子鑒遁免。

附

顧爲佟邦年門生邦年之子爲清嘉湖道鑒在署中君堯以賂佟求官鑒以告乃置諸法。

秋七月殺總兵陳謙

烈皇小識

粵游見聞

夫

御史錢邦芑劾其外媾有狀逮下詔獻鄭芝龍力救不聽尋殺之

雷州守將黃海如殺清知府趙最推官李宣國

高州府義師逐清所置官復其城

詔釋都察院僉都御史田闢于獄

闢河南人甲戌進士弘光中以戶部權稅虔州

二月募兵入衛改都察院僉都御史署院事疏

糾閣臣曾纓語連中宮上含怒未發也五月遣

錦衣衛王之臣往閱其師并發月餉之臣迎合

上意疏糾詭兵冒餉遂下詔獄然兵籍俱實餉又自辯上所給尙未發也衛臣王承恩婉轉辯曰班行亦多申救上怒不解至是以皇子恩得釋清兵至卒抗節擁眾山谷崎嶇楚粵間至戊子九月兵死

秋八月黃鳴俊退自衢州

督師閣部黃鳴俊久駐衢州忽退入仙霞關上怒其子職方司主事天復從駕逮下詔獄又命建寧府羈鳴俊鳴俊懼請奮勇自效尋統兵出

烈皇小識

粵游見聞

士

關

皇子薨諡莊敬

清人入關御史鄭爲虹死之

先是鄭芝龍力請旋蹕福京且云傾家相助可

四百萬人關固守決難飛渡上不聽芝龍歸又

令歸又赴行在力向中宮言又不聽決策赴虔

詔宣芝龍商留守事宜芝龍亦不至

詔改贛州府爲忠義府

時萬元吉楊廷璽協力固守夏又命吏部尙書

郭維經經理圍困經年士氣不挫故有是褒
清人襲汀州帝崩。

二十一日駕發延平二十八日抵汀州府清兵
踵至建寧知府楊三畏延平道趙秉樞一路迎
降隨征御史主國翰以警急聞上怒欲殺之次
日清兵至扈從俱先遁上及中宮俱陷國翰同
子都督同知涼武死之按科臣吳其薦疏云舊
輔臣何吾驪領兵駐關聞清人至輒遁清人卽
假何兵旗號以進汀州城中未之知也半夜卒

烈皇小識

粵游見聞

六

起犯駕帝自刎侍郎曾學佺死之

安仁王薨

王英明特達才畧過人有知人之鑒嘗曰居安
可寄社稷臨難不奪大節者惟司馬瞿公一人
而已與人言必諄諄辨論曲盡人意一日宴罷
夜半疾作急召瞿式耜入付以後事執手流泣
曰孤負先生顧王弟永明王曰國家事一聽瞿
先生處分且自言其前世曰孤再生伽藍而王
弟一羅漢也先生好輔之言畢而薨式耜慟哭

王曰乃漢光唐肅之流也天不祚明早奪其年
悲夫

幸毋傷神如是乃奉永明王嗣之卽今上也

秋九月清人破忠義府督師閣部萬元吉春坊庶
子楊廷麟吏部尙書郭維經及龔棻死之

余至吉安遇山人李伯開述贛州事甚詳一時
死難者甚眾余時欲急往桂林未及詳記偶于
舟中得楊翰林詩集有與家人書知其子在某
縣困苦伶仃後因亂失其集良可惜也

烈皇小識

粵游見聞

九

冬十月永明王卽帝位于肇慶

閩汀之變丁魁楚失雄還肇閩首揆何吾驪亦
自閩遁歸香山大司馬瞿式耜在肇慶憂曰朝
廷事裂矣曷可一日無君謂魁楚曰公制府帶
甲五萬寧坐視顛危耶請急議監國時閣學呂
大器自閩來李永茂以大司馬守制亦至式耜
曰永明王賢此殆天意十四日迎王于梧王三
讓王太妃亦曰此大事恐不勝任願先生更擇
可任者羣臣固請乃至肇慶府卽皇帝位改元

承曆和風旭日。現五色雲。有五色大鳥從南來。集殿上。士民懽呼。咸謂中興可卜。頒詔楚滇黔蜀軍士謳吟。靡不以爲再覩神京也。初上至寶鼎寺。禮肉身無量佛。佛忽起立。益信安仁王羅漢之說云。

兵部尙書呂大器兩廣總制丁魁楚入閣辦事吏部右侍郎兼置閣學瞿式耜掌銓事推僚屬有差李永茂守制不朝請

清人犯南海舉人陳邦彥死之。

烈皇小識

粵游見聞

手

南海縣起義舉人陳邦彥兵敗被擒十月初一日清佟養甲令磔諸市談笑就刑神色不變十一月蘇觀生自閩逃來

楚師百萬戎旗星屬總督何騰蛟方節制三面楚豫遼遠不及援虔贛州抗守經年析骸易子極其慘酷閩輔蘇觀生駐兵南寧輔車相依宛若秦越一聞汀變卽撤兵回廣虔州遂不守矣蘇觀生立唐王于廣州。

觀生過三水不赴肇以監國諸公不與議也適

唐淮諸王航海至廣觀生遂擁唐王立之。國號詔武。僉曰今上監國。詔盡頒矣。天下知有新君。今復蹈靖王覆轍。以速外氛。二百里立兩帝。自樹內鯁。三百國紀人披其葉而我刈其根矣。奚奚不利孺子王耶。觀生不聽。

帝自梧州還肇慶

贛州敗書至司禮內監王坤趨上移梧避之冢宰瞿式耜曰上之立也爲祖宗雪仇恥爲生民援塗炭正宜奮大勇以號令遠近今強敵日迫

烈皇小識

粵游見聞

主

東人不靖苟自畏縮外棄門戶內費蕭牆國何以立爭之不聽遂移梧尋還肇

東都殺兵科給事中彭耀

大學士陳子莊書達冢宰瞿式耜讀力馘蘇而兵東上遭彭耀泣諭之曰今上神宗嫡胤奕然靈光大統已定誰敢復爭且閩虔旣陷強敵日逼勢已剝膚公不協心戮力爲社稷衛而同室操戈此袁譚兄弟卒并于曹瞞也公受國家厚恩乃貪一時之利不顧大計天下萬世將以公

爲何如人也觀生大怒戮耀于市集兵向肇耀
粵東人舊爲秦令有政聲

兵部右侍郎林佳鼎帥師伐東郊敗績死之李明
忠走佳

東兵將西上遣佳鼎督兵勦之時有白旗賊新
就東撫觀生用以拒兵賊故海寇狡猾善水戰
詐以數千艘降林林不備遂以火砲焚林艘焚
死總兵李明忠登岸陷泥中幾不免

鄭芝龍以福州降清

烈皇小識

粵游見聞

三

芝龍欲出降弟鴻逵子成功力阻之不聽既降
貝勒謂其親從俾離左右尋發遣赴燕都惟狎
客陳鼎隨之去芝龍妻曰日本人也以兵死成功
樹殺父報國旗至今出沒海上時成功年十三
歲或曰二十歲云

十二月清人入廣州殺唐王蘇觀生

先是九月二十日漳州府降清貝勒分命副總
兵李成棟率偏師取廣東以佟養甲督之潮惠
兩府相繼下省會寂不聞也至是十五日清兵

突至先遣十餘騎入城無一抗拒者餘兵相繼
環此城上閱日乃下遣唐王自裁蘇觀生縊死
宗室皆被殺時潮州山寨私擁趙王佟李遣兵
往趙王卽自歸削髮居光孝寺會陳子莊致啟
事泄王實不知也廣州知府陸元機降清佟本
勒令元妙觀自縊

清人犯高州大學士陳子壯死之何吾騶降

禮部尙書陳子壯初爲佟養申逼令薙髮尋悔
之所居地名九江集眾起議屢攻省城不克後

烈皇小識

粵游見聞

三

攻高州李成棟追及擒歸彼殺子壯以詞臣起
義于端州九江郡衣甲器械無不精絕部伍士
卒皆蛋戶番鬼其人敢勇善發西洋銃故殺敵
不下數萬計尋間出爲清兵所得養甲深恨之
以木丸塞其口置于重臺之上設祭三壇遣舊
輔何吾騶學政袁彭年羅拜拜訖碎磔之

粵游見聞終

東明聞見

錄一卷

東明聞見錄

丁永歷元年 魯監國二年

春正月帝幸桂林

清師薄廣城且急輔臣瞿式耜請魂師督戰士駐峽口而清師復據廣城司禮王坤趨土西避之耜夜棹小舟留駕曰我兵水路危至三水可上下搤也爭之不得請身留肇宗人府朱容藩自左右所恃惟式耜一人式耜留守上行益孤亦不許上舟西耜部署五日始疾發抵梧上行烈皇小識

東明聞見錄

一

又五日矣丁魁楚惑於奸弁蘇聘從梧入岑溪王化澄攜中樞印去潯州西上護蹕者皆輔臣瞿公而已上于正月抵桂林分部守禦諭誠楚蜀各路征鎮粵西居山川上游東決不敢仰而攻兵士雲屯湖南北立需戰粵南寧太平出滇柳州慶遠通黔左右江四十五洞土狼標勇襲國家威惠三百年撫粵悉受衝槩足資內備復疏請王錫衮文安之爲相周堪賡郭都賢劉遠生爲六卿召給事丁時魁掌禮垣給事金堡素

稱清直終制召還時草昧之初惟瞿輔臣導養聖德修紀綱挽人心布威武抑權閥起用人望招徠俊傑爲首務一時朝廷倚以爲重

文安之王錫衮入閣辨事

從瞿式耜請也不書原官闕疑也

湖廣巡撫何騰蛟督川廣江諸路兵馬

從瞿式耜請也晉閣事

清師入肇慶府朱治澗走

治澗字子晦浙江舉人崇禎時爲肇慶府同知

烈皇小識

東明聞見錄

二

驟陞兩廣總制至是終爲佟李逼獲髮

清師入梧州曹燁降丁魁楚被殺

先是人傳清兵取肇將薄梧蒼梧知縣萬思夔

作一大木龜令人牽之號于路曰降敵者似此

及佟李兵進薄梧州廣西巡撫曹燁以春秋得

雋者也因輿觀肉袒牽羊以迎曰燁不知天命

不早事君使君懷怒以及下邑燁之罪也若以

罪不赦俘諸軍唯命若惠邀天之幸苟保首領

使得自新君之惠也涕泣不敢仰視李成棟笑

而釋之兵入梧城思夔大書曹燁姓名於木龜上置諸堂遁去時輔臣丁魁楚以三百餘艘載黃金二十萬兩白金二百四十餘萬兩入岑溪李成棟追及之殺而投諸河閘門無存者

清師入平樂府陳邦傳走

清師入平樂邦傳棄城趨南寧佟養甲改廣東

布政耿猷忠爲廣東巡撫猷忠陝西人初任金

華府同知與朱大典同守府城歷陞道陞撫降

清授布政

烈皇小識

東明聞見錄

三

三月帝幸全州

平樂報至司禮王坤又趨上幸楚輔臣瞿式耜

上疏畧曰上不幸楚楚師得以展布自有出楚

之期茲半年之內三四播遷兵民狐疑局促如

飛瓦翻手散而覆手合又曰在粵而粵存去粵

而粵危我進一步則人亦進一步我去速一日

則人來亦速一日又曰楚不可速往粵不可輕

棄今日勿遽往則往也易今日若輕棄則入也

難今海內幅員止此一隅以全盛視粵西則一